

約章成案匯覽

約章成案匯覽乙篇卷十五

成案

通商門 免釐類

戶部等議復加稅免釐先事妥酌辦法摺

光緒二十九年

總署咨租界洋貨免釐及存案改限議定開辦日期文

光緒二

江督咨租界洋貨免釐及存案改限分別辦理情形文

光緒三

外務部咨福州萬壽橋辦論免釐成案文

光緒二十八年

總稅務司申覆預籌免釐加稅辦法文

光緒二十九年

總稅務司申請續籌免釐加稅辦法文

光緒二十九年

約章成案匯覽乙篇卷十五

成案

通商門 免釐類

戶部等議復加稅免釐先事妥酌辦法摺

光緒二十九年

奏為遵

旨妥議恭摺具陳仰祈

聖鑒事竊督辦商務大臣張之洞等奏加稅免釐一事須俟各國

允行定期開辦亟應先事妥酌一片奉

硃批外務部戶部妥議具奏欽此欽遵由軍機處抄交到部查原

奏內稱英約十六款以第八條加稅免釐一事為全約緊要

開鍵雖此款須俟各國允行定期開辦係在一年以後然亟應綢繆未雨方免臨時周章查第三節載現有常關處所須開單照送存查而聲明載在戶部工部則例及

大清會典者恐各省商關有在應留之例亦可作為常關列入單內以免扞格惟須由部密飭各省妥酌辦理其有洋關而無常關之處以及沿海沿邊而非通商口岸之處釐卡撤後民船易於繞越偷漏業經議定允我設法安設此外新開各口岸如應設立海關則常關亦應一併添設僅舊有故關地段不足以資控制應移改至扼要處所亦宜預為籌改更正入單俾昭妥協而免藉口至常關稅則須改照海關稅則辦

理是否即以海關稅則為準抑另行估計可否飭由總稅務司核計之處應俟戶部會商外務部核奪又第五節載土藥稅局所地址開單照送存查應由各省按照此節所載辦法妥為查開又第六節載鹽釐改為鹽稅或產鹽地方抽收或在銷售省分入境第一局抽收並任便設立各項鹽報驗公所凡船隻按照鹽引運載鹽者須在該公所停船候驗蓋戳放行將來釐卡一裁必須嚴飭鹽稅掣驗各局所不得查驗別項貨物及有留難情事又第八節所載銷場稅係專為行銷內地土貨而設歸落地捐之意而避落地捐之名然不得侵及進口洋貨暨出洋土貨方不致貽人口實徵收多寡雖

可由我自定似亦不能有逾值百抽五以致貧民受困惟非民生日用所必需及僅止富貴家所用貴重之物則可從重徵抽此項稅則各省斷難一律然必須由部通行各省將向徵貨物就各省物價銷路情形酌擬抽收之數咨部再由部彙核分別酌定數目其徵收處所如何分別抽收之法亦須由各省體察情形預定妥善章程則將來加稅免釐屆期舉辦各省胸有成竹自可措置裕如至開辦之期裁釐與加稅同時並舉仿照洋藥稅釐併徵新章辦法自無脫却之慮亦應由戶部會商外務部札飭總稅務司先事妥酌等語臣等伏查加稅免釐各國如允行開辦則各處釐卡既須盡行裁

撤各省常關尤應力求整頓商約內載現有常關凡載在戶部工部則例

大清會典者仍舊存留須開單照送存查應由商約大臣即飭按照部頒則例同續修會典內所載各關須先開列清單註明地址以備照送存查臣等仍通行各省凡則例會典內舊存各關併所載各省商關均可作為省關列入單內應一體認真妥為籌辦其有洋關而無省關之處以及沿海沿邊非通商口岸易於繞越偷漏之處並將來新開口岸各處如何一併添設省關內地舊有各省關僅不足以資控制如何移設扼要處所均應由各該省就近詳查預為籌畫一俟議有

端緒即將如何布置情形奏明辦理又省關稅則是否即以海關稅則為准抑另行估計當飭總稅務司核議去後旋據申復按照海關稅則抽收為妥臣部自應抄錄總稅務司申文及所擬章程行知商約大臣及各省關斟酌試辦又土藥稅項准照章抽收各省預先將局所地址妥為查開一面咨送臣部一面行知商約大臣以便照送存查又鹽釐名目須改為鹽稅各省或在產鹽地方抽收或在銷售省分抽收並任便設立報驗公所總須嚴飭印委各員及巡役人等不得查驗別項貨物及稍涉留難致貽口實又銷場稅一項係指在內地銷售及租界外銷售之土貨而言與進口洋貨出口



土貨並在途轉運均不相涉其稅則多寡各省縱難盡一總  
不得有逾值百抽五之數大約民生日用所必需之物稅宜  
從輕其貴重難得及不必需之物稅可加重各該省應就向  
來徵收釐金情形及現時貨值高下銷售暢滯各節酌擬稅  
則數目併抽稅處所咨報臣部查核庶章程預定屆時不難  
一律舉辦至裁釐加稅開辦之期擬仿照洋藥稅釐併徵辦  
法以免脫卸之處亦飭總稅務司先事妥酌因頭緒紛繁一  
時尚難酌定應再由外務部轉飭總稅務司須於未經開辦  
之先將屆期如何辦法早日設籌申復臣部核定並知照各  
省開遵辦以免臨時周章所有遵

旨妥議緣由理合恭摺具陳伏乞

皇太后

皇上聖鑒再此摺係戶部主稿會同外務部辦理合併聲明謹

奏

總署咨租界洋貨免釐及存票改限議定開辦日期文

光緒二年

為咨行事光緒二年十一月二十九日據赫總稅司申稱奉到劄開現與德國巴大臣面議洋貨在上海租界內免其抽釐及發給存票准以三十六個月為限各國開辦日期並存票換銀當先由稅務司蓋印畫押等因前來除由本衙門照會各國駐京大臣外相應鈔錄赫總稅務司申復咨行

貴大臣查照即飭各關遵辦可也須至咨者

右咨南北洋

附錄赫總稅務司申呈

為申復事奉到本年十月二十七日

鈞劄內開本衙門現與德國巴大臣面議洋商出售洋貨在  
上海租界內免其抽釐及發給存票准其以三十六個月為  
限各國開辦日期准巴大臣面稱曾經會商各國大臣在案  
應將開辦日期開列於後

一上海租界內不再抽釐 查新舊各口岸除尚未定有各  
國租界應俟會商畫定再行將洋貨免釐一事定期開辦外

其上海一口已定有洋商租界凡有洋商進口真正洋貨無論賣與華商洋商自光緒三年正月初一日起上海租界內不再抽收釐金

二存票定限 查凡有真正洋貨已完進口正稅後如欲運往外國實係原包原貨並無折動抽換自光緒三年正月初一日起核計該貨進口之日到該貨出口下船之日在三十六個月限內准其請領存票或將存票換取現銀聽商自便其光緒三年正月初一日以前發給存票不扣限期准抵稅銀不換現銀

以上兩條除由本衙門照會各國大臣並通行南北洋大臣

飭屬遵照辦理外相應創行查照辦理等因奉此當經由總稅務司通飭各口稅務司遵照並以存票准換現銀一節於小本商人不無裨益惟恐或有藉此舞弊致於已收之稅銀易有虧損應由各關稅務司與本關銀號議定凡有交存票換現銀應由該商先行呈請稅務司驗明蓋印畫押後方准執赴銀號取銀一面由稅務司在存票冊內註明並按日開單封送銀號備查此項存票既由稅務司印押後只准取換現銀不准抵完他稅以免參差至如何確驗印押無誤之處應由稅務司會同銀號商訂又以天津牛莊兩口現值冬令船隻暫停往來該二口倘有洋貨運往外國而其進口時已

逾三十六個月限外者應准由該商於光緒三年正月初一日以先報關俟開河後從頭船到時核計若該貨在十五天限內下船出口即可發給存票各等語通行各口一體遵照理合備文申請並請照會各國駐京大臣為要須至申呈者江督咨租界洋貨免釐及存票改限分別辦理情形文

光緒三年

為咨呈事據江海關道稟奉准

總理衙門咨本衙門具奏上海租界免釐及存票定限開辦日期一摺光緒二年十月二十八日具奏本日奉

旨依議欽此抄奏咨行遵辦並奉抄奏內開光緒三年正月初一日為始在上海租界內洋商售賣洋貨不再抽收釐金洋貨

進口已完正稅在三十六個月限內仍往外國准其請領存  
票並准其以存票換取現銀其光緒三年正月初一日以前  
發給存票不扣限期准抵稅銀但不准換取現銀等因奉經  
移行遵照並將辦理情形節次稟報在案所有上海租界洋  
貨免釐一事洋藥不在免釐之內與土貨釐金均仍照常抽  
收當由松滬釐局與海關出示曉諭其洋貨入內地有關完  
納子口半稅者由新關及南北兩卡驗貨委員認真查驗實  
係真正洋貨始准填給稅單起運以杜夾帶抽換之弊倘各  
口運入內地之貨照此稽查除洋貨已完半稅領有稅單者  
沿途免釐外其餘土貨及未完半稅之洋貨一切釐捐尚應

照常抽收向來上海洋貨運入內地稅單由道署填給此次  
改派委員分駐新聞及南北兩卡隨時驗貨核實填發凡各  
商報關完半稅後先由新聞稅務司函致道署核對進口船  
號貨數相符照填赴卡換單之票送交司稅給商持往南北  
兩卡呈候委員驗明票貨相符換填稅單給發該商運往內  
地銷售倘商人有將運入內地之洋貨載赴新聞碼頭請驗  
者即由司稅派撥扞手隨同委員查驗相符再由司稅函致  
道署照填稅單送關給商執運並於稅單之後照填驗單一  
紙由首經第一釐卡查驗截留繳道以便比對單根而免弊  
混至洋貨進口完稅後復往外國准領存票換銀一事當即



函致稅司自光緒三年正月初一日起進口洋貨有在三十  
六個月限內運回外國者將進口稅銀給還存票准換現銀  
其三年正月初一日以前進口洋貨運往外國者所給存票  
不換現銀此等出口洋貨必須由委員查驗實係原色原貨  
並無拆動抽換方准填給存票旋接稅司吉羅福覆稱洋貨  
改運外國不論何時進口自三年正月初一日起報關出口  
原貨核計進口日期在三十六個月限內者准發存票換取  
現銀各商有以存票換領現銀者由司稅加押蓋印知照銀  
號給領等因嗣奉行准

總理衙門抄發赫總稅務司申覆存票准換現銀一節應由

司稅蓋印畫押後方准赴銀號取銀核與吉司稅所言相同  
伏讀

總理衙門照會各國公使稿內敘明真正洋貨完進口正稅  
後如往外國實係原包原貨自光緒三年正月初一日起核  
計該貨進口之日到該貨出口上船之日在三十六個月限  
內准領存票或換現銀等因是換銀存票並未專指三年正  
月初一日起進口之貨吉司稅謂洋貨改運外國不論何時  
進口但從三年正月初一日起報關出口洋貨如核計進口  
日期在三十六個月限內運往外國准給存票換銀尚可照  
辦惟存票既准換取現銀則原貨出口之時必須確切查驗

方免影射滋弊是以由道專派委員駐關遇有洋貨報運外國由稅務司知照委員帶同扞手人等前往查驗確係原包原貨並無拆動等弊方准將前完稅銀給還存票換取現銀倘有情願抵完別稅者亦准作抵聽商自便一面將存票另刊新板註明准換現銀字樣給商收執並於票後加刊銀號諭單交號稽核以示區別所有存票換給現銀數目按結截算彙總開報即在現收正稅內扣除俾昭核實合將稅單驗票及存票諭單各式票送仰祈察核示遵並請咨明總理衙門查照實為公便等情據此相應咨呈貴衙門謹請查照施行須至咨者

右咨總署

外務部咨福州萬壽橋辯論免釐成案文 光緒二十八年

為咨復事光緒二十八年四月十八日准咨稱據江漢關道詳稱英國總領事法亞斯照開良濟公司所售洋貨被釐局扣留有違約章二十四年福州案賠償了結不應阻遏銷路等情漢口抽釐四十餘年從未阻止現議商約若盡免口岸釐金加稅更無可望請據理力爭一面查案示復等因本部查二十四年七月間據福州將軍等函稱萬壽橋北不應免釐並開具清摺送部嗣於二十五年三月間復據咨稱萬壽橋北暫免徵釐原因釐界未定通融辦理等語是福州一案

原係暫時通融並未定議准免漢口在租界以外抽收釐金  
本多年舊章自是正辦英使現未提及此事如果來者辯論  
自當據咨駁復所有福州將軍等原函並清摺一併抄送備  
查相應咨行  
貴督查照可也須至咨者

右咨湖廣

總稅務司申覆預籌免釐加稅辦法文  
光緒二十九年  
為申覆事前奉

鈞創內開光緒二十八年十二月十七日准戶部咨稱會奏  
議覆商約大臣奏加稅免釐要定章程一摺光緒二十八年

十二月初九日具奏奉

旨依議欽此相應抄錄原奏咨呈查照等因查原奏內稱裁釐加  
稅開辦之期擬仿照洋藥稅釐並徵辦法以免脫却之處飭  
總稅務司先事妥酌因頭緒紛繁一時尚難酌定應再由外  
務部轉飭總稅務司須於未經開辦之先將屆期如何辦法  
早日設籌申覆核定等因查裁釐加稅刻下雖未開辦惟必  
須先事妥酌庶免臨時周章相應創行總稅務司預籌辦法  
詳細聲覆以憑核辦等因奉此竊維此次商約係特派之大  
員特定其立約之用意並應如何開辦奉行各節自必早為  
籌及總稅務司只知有加稅免釐兩大綱其條款本已紛繁

而第八款內復分十六節尤屬煩瑣以致遵飭預籌實非易  
易若所擬與原議大臣之意有乖則其事更覺紊亂即使所  
擬均與原議大臣相合而有約各國尚未允從商約者自必  
不能照允現擬各節必致永無開辦之日惟既奉前因自應  
遵照妥籌議覆所有擬議各節只憑加稅免釐四字為主此  
事綱領只分兩端一係洋貨進口應如何納稅以後概免重  
徵一係土貨或出口或行銷內地應如何分別辦理查洋貨  
進口新約內云所加之稅不得過於進口正稅一倍半之數  
等語是以凡有洋貨進口均應於進口時一併完清新則正  
稅兩稅半之數只須飭各關一體開辦併徵即能照行毋庸

定何新章亦毋庸更改辦法如此辦理大約入關棧之貨自必較多只應由各關按照向來辦法俟貨出棧時一併照則完清其稅新約又云稅經完清其洋貨無論在華人之手或在洋商之手亦無論原件或分裝均得全免重徵各項稅捐以及查驗留難等事各等語既經約定自應傳知各省凡遇洋貨絲毫不得重徵向來子口稅辦法係無稅單者逢關納稅遇卡抽釐有稅單者自原進之口至稅單內指明之內地某處途中概不重徵單貨不得相離貨抵指定之處繳稅單後即為無稅單之貨新約則與此不同入內地之貨除與土貨相類之洋貨可請憑單前往外其餘各洋貨只須在原口



照則完清稅項無庸領取稅單前往而內地一見洋貨只須放行如此辦理似無難處緣照新約應將徵抽釐捐各關卡局所裁撤既將此項關卡裁撤則新關之外只有數處常關自易照辦其洋藥一項仍行照舊辦理洋貨如此至土貨應如何分別辦理一節查新約雖有釐金等關卡概予裁撤之條然仍有各常關不在此列之語且各省邊界要隘舊設之土藥稅所亦可仍留並可任便設立各項報驗公所更有添設移設各常關一面隨時照會英國國家會議新約既定改徵百貨土稅第一應辦者為預定徵稅之常關即係查明額內之關有無應行移設者無常關之處何處應行添設開明

清單備查惟此兩層究竟何者應移何者應添總稅務司事  
前礙難預籌然既有此兩層敘於約中原議大臣必有主見  
事關各省必須定互為裒助之章始獲利益倘抽釐各卡均  
經裁撤各處常關安置妥協其分別徵收土稅方可按新約  
照行其分別之法係憑該貨或運出外洋或行銷內地出口  
之貨應照出口新則完清正稅並加納一半以為抵補倘在  
常關已完半稅執有憑單呈驗該出口之關應只徵正稅免  
徵半稅惟絲勛一項在常關完過半稅者出口時只抽正稅  
一半至所謂出口新則即係第七節所准將現則修改以值  
百切實抽五之例為準其未改以前仍應照現在舊則徵收

出口之稅如此辦理亦非甚難只須通飭各關照行而已惟  
憑常關之憑單免徵半稅易生流弊各關宜格外留心不致  
於違約之中反貽受虧之患出口土貨如此行銷內地之土  
貨由此處運彼處到第一常關應照出口新則完納半稅請  
領憑單前往一年限內免其重徵運至通商口岸租界以外  
銷售之處應納一銷場稅其稅數由中國自定各租界內免  
其抽收且與洋貨相同用機器造成各貨照第九節之專章  
由海關辦理是以除照以上所言預定常關處所外應另定  
銷場稅之專則惟應憑何數定此專則暨指何地為銷場之  
處總稅務司未能知曉原議大臣當亦必有主見但銷場稅

數一節現在新定此稅之意係欲補中國所失之各項釐捐  
而此項所失之數或係指各省報部本省未用聽撥之數抑  
係指各本省向商民實收之數而言總稅務司無從知悉然  
此節極關緊要若此基未能堅實清楚以後奉行必致雜亂  
無章終不能及初時期望之地步此則定銷場稅則以前所  
亟當審慎者且一過第一常關完清半稅後內地行銷土貨  
須至銷場處所方可徵收銷場稅惟究以何處為銷場且此  
稅究係用主完納抑係鋪商完納完此稅者是否應赴約准  
存留最近之常關完納或另定稅所辦理亦須預為訂明若  
前往最近之常關或須行數百里亦未可定商民何堪受此

擾累若另定稅所則隨處皆可為銷場焉能備如許之局所  
況又為約不准行之事耶論至此處頗覺阻礙應請  
貴部先將應補之釐捐若干銷場係指何地分晰示知以便  
詳細議覆可也須至申呈者

右申外務部

總稅務司申請續籌免釐加稅辦法文

光緒二十九年

為申呈事竊查新約所定加稅免釐應如何開辦各節已將  
大略情形申覆在案伏維所定條款大半無甚難辦只有兩  
端實非易易一增設移設各常關一徵收銷場稅誠如  
鈞札所云必須先事預籌以免臨時周章查常關一事已有

山東巡撫函託派員赴東商議一切當已遴員派往若各省仿照辦理諒可獲益惟所屬實無如許人員然究應類推辦理即請由

貴部專咨各通商省分督撫等轉飭本省通商口岸各監督會同本關稅務司將本省內接約應撤之關卡並應移應添之各常關暨本省與鄰省交涉貨物來往之要路各等節查明申報並備本省註明之地圖一幅隨文呈閱其非通商省分者即可與通商之鄰省會同一體辦理限三個月清結所有各該員申詳文件請即照錄一分交總稅務司備查俾得彙核各處情形參酌通行辦法其沿海沿江商船運貨經過

各常關稽查原略有把握惟內地陸路各常關商行必設法繞越擬議添移各常關時應留意於此節至銷場稅一事此稅似與向有之落地稅無異惟是否究係此意無從確知且按新約應撤應留各關卡而論此項落地稅各局所應撤應留亦屬難於明悉若在應留之列則除應由常關按約徵收民船運貨之銷場稅外不如責成各該局所一律徵收此項中國自定之銷場稅若在應撤之列則此項銷場稅或由仍留之各常關隨時隨處設立分口稽徵或另有辦法應請由各該省酌奪本省情形定擬亦於此三個月限內一併會查詳覆至銷場稅之稅則憑何定斷一節查各常關徵第一次

半稅既經指明按照新則是銷場稅數亦應以此次海關出口新則為準不致同時同地有不同之稅則或收一正稅或收正稅之半或加數倍徵收均由中國自定再新約第三款載明民船往來廣東各通商口岸納稅不得少於輪船之稅數又第七款八節內云運至通商口岸之土貨無論帆船輪船其銷場稅均須一律徵收各等語新約既有此洋船華船一律之意義不若現在將沿海沿江各常關現用之稅則均行停辦一律預為改照海關現行稅則出口時徵一正稅復進口時徵一復進口半稅俟銷場稅定妥後即將復進口之半稅改為銷場稅按數徵收如此則各處均得劃一辦理且



與稅課商情公務皆有裨益茲特續行備文請為酌奪若定  
照辦則新約無論各國允否而中國如此整頓常關裁暫行  
之釐卡改永久之章程使各省有劃一之法亦係中國可以  
自辦之事也須至申呈者

右申外務部

約章成案匯覽乙篇卷十六目錄

成案

通商門 加稅類

大理寺少卿盛等籌議加稅辦法摺

光緒二十六年  
附清單

戶部等會議加稅事宜摺

光緒二十六年

戶部等會議加稅事宜片

光緒二十六年

總署咨哆囉呢加稅日後復出口應照算分別發給免照存票

文 同治十二年

外務部咨莫非鴉合同在新約未定以前准於六箇月內值百

抽五文

光緒二十八年

約章成案匯覽乙篇卷十六

成案

通商門

加稅類

大理寺少卿盛等籌議加稅辦法摺

光緒二十六年  
附清單

奏為遵

旨籌議增稅事宜並酌擬稅釐兼顧辦法恭摺密陳仰祈

聖鑒事竊臣等於光緒二十五年十月十六日承准軍機大臣片

交本日面奉

諭旨盛宣懷奏陳條陳籌餉事宜開單呈覽一摺據稱加稅一事

與各國屢議未成查咸豐十年新定通商稅則善後條約第一

欽此仰見  
聖明在上俯采芻蕘伏讀之餘莫名欽感臣等當即先與赫德疊  
次會商旋經赫德呈遞估價比較清冊並據聲稱洋稅二千  
外國菸酒藥料器皿等物中國銷路甚廣不盡各國官商自用  
應如何分別辦理之處請一併籌議等語各口關稅如照現在  
時價核估所增稅項實為籌餉大宗著派盛宣懷嚴緝私會同  
赫德查照條約迅速籌辦仍由總理各國事務衙門綜核辦理

欽此仰見  
聖明在上俯采芻蕘伏讀之餘莫名欽感臣等當即先與赫德疊  
次會商旋經赫德呈遞估價比較清冊並據聲稱洋稅二千

數百萬內有洋藥一項已經加稅船鈔一項無從另估又進出口貨冊內新增名目已照現時估價亦難再增出口貨皆係銀本絲稅則法國不願加增茶稅本屬太重必須議減方能暢銷止有原列稅則內金價所置之進口貨可照時價另行核估洋貨土貨幫長補短每年通扯增收之數必有加增其所增多寡以銷路為衡殊難預定實數等語臣等竊以為稅則十年一修尚須無事之秋方能照約籌議實屬機不可失現與赫德詳細妥籌必須稅釐兼顧乃為有利無弊擬請照前奏先將進出口貨一面照時價核估持平修改一面專指洋貨援照洋藥稅釐並征辦法於核估時價正稅值百抽

五之後並連子口半稅二五統加釐金一倍共總值百抽十五俱在海關並征則於籌餉大有裨益伏查洋藥稅釐並征一案前出使大臣曾紀澤在英國往復籌商時閱數年始有成議開辦後洋藥進口漸減漏卮漸窄而海關並征釐金每歲得以加增五百萬上下中飽偷漏之弊一掃而空俱歸實際此實中國通商以來最為利益之事故臣等此次擬將進口洋貨援照辦理在洋藥不過進口貨之一端關涉亦僅在一國當時籌辦已如此之難茲則所議不止一項並須與各國次第商量近來辦理交涉尤與從前情勢不同能否尅期就範尚無把握現值

國家需款孔亟但有可以設法之處自應盡力籌維曾問洋商  
詳加討論其意總以各處釐金留難紛雜於彼貨銷場有礙  
若能將釐金定以確數與關稅一起並征較為畫一簡便冀  
貨可暢銷則雖多出稅銀可免需索拖延之累彼或尚可允  
從現議稅釐並征係專指進口洋貨而言其土貨釐捐一切  
照舊並擬將出口土貨向完半稅者改完釐金以抵洋貨釐  
捐改歸海關並征之數是於各省釐金實無所損所有現擬  
辦理情形分別開呈清單二件恭呈

御覽其中所擬辦法皆與赫德逐細攷究據稱即可持此開議此  
後詳細條目仍隨時與總理各國事務衙門妥籌辦理理合

繕摺密陳是否有當伏祈

皇太后

皇上聖鑒訓示謹

奏

謹將加稅辦法繕具清單恭呈

御覽

一洋貨進口稅赫德已將進口貨物詳細查明按照現今估價立一比較清冊其中凡徵數在值百抽五以下者均應增足在值百抽五以上者亦應核減並將原定稅則不列之貨物均一體估價補入



謹按現在估價清冊擬議一律值百抽十五援照洋藥辦法  
作為稅釐併徵向章洋貨進口每值百兩完納正稅五兩又  
運入內地完納子口半稅二兩五錢沿途釐金本已在內今  
議另加七兩五錢以專抵落地釐捐每值百兩加倍併徵十  
五兩統在進口新關一起完納運入內地行銷概不重徵  
查己亥年進口稅六百七十五萬赫德節略內稱試將前呈  
貨物比較清單揀閱大約懸揣可增進口稅在三百萬以內  
又稱若能值百抽十五則進口併徵稅釐之總數必較從前  
多收鉅款一倍

一土貨出口稅赫德已將出口貨物詳細查明按照現今估

價立一比較清冊其中凡徵數在值百抽五以下者應否加增在值百抽五以上者應否核減此二層即應預為酌奪並將原定稅則不列之貨物均一體估價補入

謹案現在估價清冊擬議值百抽五少則酌增多則酌減仍照向章出洋之土貨只納正稅五兩又半稅二兩五錢總共值百抽七五毋庸加收以顧華民生計向來洋商赴內地辦土貨領三聯單者完半稅不完釐無單者完釐不完半稅現擬給單赴內地悉令照半稅銀數全完釐金但准其赴出口海關呈驗已完釐捐之收據如比較半稅多完應由海關照數退還洋商並接結向釐局撥還海關無單者不得退還以

杜行銷中國內地之貨有所影射

查出口貨以絲茶為大宗絲稅約已值百抽五未便議加茶稅均在值百抽五之上應一律估價減至值百抽五雜貨可增之稅恐不敷此大宗查印度日本茶並無內地出口稅故銷路日盛華商因是虧累不堪若不減稅則茶必少銷稅亦日短若減稅則茶必多銷稅亦日增如能併徵辦成目前所短之茶稅自有所加之洋貨稅抵補況數年內茶多出口可望仍復減徵之數如減稅而無益於銷路屆時仍欲議加或可在出產內地隨便加捐無礙稅則

一土貨內地釐捐各省土貨稅釐一概照舊徵收與修改稅

則新章不相干涉

謹按各省土貨未售與洋商之前本有出產內地捐自可仍舊徵收但不可多加於向來所收之數譬如茶葉方議減稅則內地捐暫不必更改須看後銷路若何再行酌定其土貨售與洋商之後現擬新章領單由內地運貨至海口仍可照常完釐但逢關納稅過卡抽釐誠恐洋商不允或令於土貨起運第一釐局照應完半稅銀數一起完釐給予釐局印收所過關卡驗票放行洋商似無所藉口至於自此省運往彼省自行銷售之土貨仍一概照常沿途完釐惟洋貨既辦稅釐併徵各省釐捐擬請名為土貨釐捐局以分界限

一外國菸酒器皿等物如何分別辦理赫德節略內稱是欲將免稅之物改為徵稅之物亦應於修改稅則時籌商方能照辦

謹按己巳年擬辦修約第九款云英商家用船用雜物從前條約本有載明完稅各件今再將該前項雜物由總稅務司分別開明附後以免牽混若運入內地售賣仍照舊章完納稅銀等語似可照此籌議或謂此項約略懸揣亦可得稅銀一百萬之譜

謹將加稅備問各節繕具清單恭呈

御覽

或曰加稅誠有益於中國恐非各國所願前兩次與各國議而未成今時局更難豈有把握答曰加稅原非各國所願但期滿修改稅則係條約所載前議因專主鎊價故沙侯以金鎊並無定價駁復今照時值估價應增者增應減者減似有可允之理至稅釐併征之法向問洋商皆極稱釐捐留難不便若赴此各國無事修改稅則並議定併征據赫德云洋商樂於直捷或允加重稅項

或曰洋貨加稅太重恐洋貨滯銷則稅亦有礙答曰華民已用慣洋貨購買均屬有力之家當不靳此現議土貨估價而不加稅即如茶葉尚擬減稅則土貨必可暢銷洋商既獲運銷

我土貨之利必將所辦土貨資本購買洋貨至中國以省匯兌金銀之費斷不患滯銷於稅有礙

或曰釐金行之已久雖積弊難除近有議包辦釐捐者當可加增釐金豈不勝於加稅答曰包釐之法若不權歸紳商則辦不動若予以事權則同一擾累且恐廣東之外他省辦不動從前洋藥包捐其弊百出逮至稅釐併征所收之款數倍於包捐中飽之弊一空公家歲益數百萬此其明證

或曰關稅之權盡歸洋人一旦有事恐關稅盡為洋人攫去不及釐金之權皆在華官答曰稅務司雖有估值驗貨之權而各關監督皆有銀號無論華洋商稅皆持關單自向銀號

完納即歸海關監督收用故收銀用銀之權仍在監督而不  
在稅務司

或曰海疆有事恐關稅難收不如釐金與海疆不相干礙答  
曰庚申甲申甲午海口有事各國進口出口貨物照常納稅  
且交戰之國亦仍有他國代理未聞不收關稅若至封口以  
致無稅可收其時亦斷無進出之釐金矣

或曰洋貨釐金一經併征雖戶部總收之數大有所增而各  
省百貨釐金之內少去洋貨一宗收數不無減少疆吏以下  
能不羣起阻撓乎答曰當此籌餉艱難之際能增進款百十  
萬已覺其難況增常年進款數百萬以上誠強弱緊要關鍵



統籌全局應以天下之進款總數為衡必權其輕重大小當  
不為衆論所搖惑從前洋藥稅釐併征之初除去洋藥釐金  
各省亦噴有繁言幸

朝廷堅持定見始能辦成每年多收數百萬現與赫德熟商擬  
將向來出口土貨半稅全歸釐局征收向來進口洋貨半稅  
全歸新關征收大約歷年收數洋貨四成土貨六成從此各  
省全得六成土貨之釐金雖少去四成洋貨之釐金可無藉  
口矣

戶部等會議加稅事宜摺

光緒二十六年

奏為遵

旨會議恭摺具陳仰祈

聖鑒事光緒二十六年二月二十七日軍機大臣面奉

諭旨前盛宣懷等覆陳籌議增稅事宜當以該京卿等所籌進口洋貨稅釐併徵並將出口土貨向完半稅者改完釐金以抵虧釐之數於內地各省釐金有無滯礙之處寄諭該京卿等詳慎辦理矣事關餉項大局著總理各國事務王大臣戶部將盛宣懷聶緝槩所奏各節利弊若何會同詳細籌議具奏無稍遷就盛宣懷等單摺一件單二件均著抄給閱看欽此欽遵由軍機處抄交到部查原奏內稱上年十月十六日奉

諭旨盛宣懷條陳籌餉事宜開單呈覽一摺據稱加稅一事與各

國屢議未成查咸豐十年新定通商稅則善後條約第一款載明應核估時價照值百抽五例徵稅現在金貴銀賤但須扼定此語將各口進出貨物稅則照時價另行核估自無所用其加稅現屆十年換約限期應及時迅與認真開議又近來外國菸酒藥料器皿等物中國銷路甚廣不盡各國官商自用應如何分別辦理之處請一並籌議等語各口關稅如照現在時價核估所徵稅項實為籌餉大宗著派盛宣懷聶緝渠會同赫德查照條約迅速籌辦仍由總理各國事務衙門綜核辦理欽此臣等當即先與赫德迭次會商旋經赫德呈遞估價比較清冊並據聲稱洋稅二千數百萬兩內有洋藥一項已經加稅船

鈔一項無從另估又進口冊內新增名目已照現時估價亦難再增出口貨皆係銀本經稅則法國不願加增茶稅本屬太重必須議減方能暢銷止有原列稅則內金價所置之進口貨可照時價另行核估洋貨土貨繫長補短每年通扯徵收之數必有加增其所增多寡以銷路為衡殊難豫定實數等語臣等竊以為稅則十年一修尚須無事之秋方能照約籌議實屬機不可失現與赫德詳細妥籌必須稅釐兼顧乃為有利無弊擬請照前奏先將進出口貨一面照時價核估持平修改一面專指洋貨援照洋藥稅釐並徵辦法於核估時價正稅值百抽五之後並連子口半稅二五統加釐金一

倍共總值百抽十五俱在海關並徵則於籌餉大有裨益伏  
查洋藥稅釐並徵每歲得以加增五百萬上下中飽偷漏之  
弊一掃而空俱歸實際此實中國通商以來最為利益之事  
故臣等此次擬將進口洋貨援照辦理在洋藥不過進口貨  
之一端關涉亦僅在一國當時籌辦已如此之難茲則不止  
一項並須與各國次第商量近來辦理交涉尤與從前情勢  
不同能否尅期就範尚無把握但有可設法之處自應盡力  
籌維曾向洋商詳加討論其意總以各釐金留難紛雜於彼  
貨銷場有礙若能將釐金定一確數與關稅一起併徵較為  
畫一簡便冀貨可暢銷則雖多出稅銀可免需索拖延之累

彼或尚可允從現議稅釐併徵係專指進口洋貨而言其土貨釐捐一切照舊並擬將出口土貨向完半稅者改完釐金以抵洋貨釐捐改歸海關併徵之數是於各省釐金實無所損所有現擬辦理情形分別開呈清單二件恭呈

御覽其中所擬辦法皆與赫德逐細考究據稱即可持此開議等語臣等伏查籌增關稅之議其緊要節目一在於將進出口貨物按時價另行核估一在於將外國菸酒等物照章分別納稅而特恐洋人未必允從也因議將洋貨釐金歸並海關徵收而又恐各省釐金驟短也因議將出口土貨半稅改由各省抽釐該京卿等所擬辦法固已與赫德詳加考究幾費

籌商始奏請持此開議第其為利為害輕重各殊有未可一概論者謹為

皇太后

皇上鑒晰陳之洋貨進口出口通商條約內聲明稅則未載又不  
在免稅之列者應核估時價值百抽五今擬修改稅則凡進  
出口貨物一律核估時價照值百抽五例徵稅據赫德節略  
內稱大約可增進口稅三百萬以內又據該京卿函稱總稅  
司抄閱洋關去年報章內載進口洋貨除洋藥外共計值貨  
本銀二百二十兆九十五萬五千餘兩而能徵進口正稅共  
得銀六百六十五萬六千餘兩每值百兩抽不足三兩若修

稅則改准值百抽五核計可得正稅九百餘萬等因皆專指進口洋貨而言至出口土貨稅通盤核計為增為減未經詳細指明且出進口各貨一律另行核估減稅者或係多銷之貨增稅者或係少銷之貨原奏亦未慮及惟據總稅司比較清冊核算稅則雖各有增減而所減之數不敵所增之數尚屬有盈無絀是按照時價另行核估可信其有大利而無大害也又進出口免稅各物通商條約內載除金銀外國銀錢行李毋庸議外其餘運往內地皆完納稅銀近來洋酒洋菸捲及外洋藥料器皿等項內地各省幾靡不銷售僅以為家用船用雜物無論運往何處不復細加分別任令一概免稅



是彼之銷路日廣我之漏卮愈多誠恐漫無限制且各國官商自用亦應議定數目今屆修改稅則之期該京卿等擬將前項雜物由總稅務司分別開明附後以免牽混若運入內地售賣仍照章納稅並謂此項約略懸揣亦可得銀一百萬之譜是免稅各物酌改為徵稅之物更可信其有大利而無小害也至洋貨釐金向由各省徵收因籌增洋稅擬照洋藥稅釐併徵成案改由海關徵收則必先知各省歷年釐金洋貨約分幾成並預計歸并以後關稅可增若干持論方稍有根據茲查各省報部釐金每年約一千六百萬加以外銷溢收之數每年約共兩千萬按現在電復以洋貨三成土貨七

成均勻牽算則洋貨釐金每年有六百萬近年洋貨進口正稅實徵六百餘萬洋貨子口半稅實徵六十餘萬若如該京卿所擬則子口稅照正稅統加二五應有半稅三百餘萬若先將洋貨按時價核估可得正稅九百餘萬則子口半稅亦應有四百餘萬較向來正半稅已加增六百萬再將洋貨釐金歸并海關加倍徵收較向來各省釐金更可加增六百餘萬誠屬大有利益然近來洋旗盛行往往有華商託名洋商以圖規避釐金若經將洋貨釐金歸并海關徵收則土貨冒充洋貨者益多內地釐金必大為減色設異日因土貨無從稽察更或別滋流弊再議將洋貨改為內地抽釐恐利權紛

紛難以收回貨釐為餉項大宗其盈絀所關甚鉅正未可以  
藥釐一端相提並論是洋貨釐金改歸海關並徵有大利必  
有大害也又土貨出口半稅向由海關完納今因洋貨釐金  
擬歸海關并徵遂擬將土貨半稅改完釐金以抵貨釐歸并  
之數似於各省不至有損第查洋貨釐金每年約收六百萬  
而土貨子口半稅上年僅徵十五萬六千餘兩多寡懸殊實  
屬難以相抵且洋商樂簡便而畏煩難該京卿等既奏稱曾  
向洋商討論其意總以各處釐金留難紛雜於彼貨銷場有  
礙始議釐金與關稅一起併徵茲復議將土貨子口半稅改  
由各省完釐洋商豈遂肯從此原不至為抵補貨釐起見既

查明數不能相抵又視向來應完半稅一無減增徒令釐局  
海關每多察驗撥還彼此轆轤之事此則大利可料其必無  
而小害仍不免時有者也夫事果無甚利害自無煩徒事更  
張該京卿等所奏土貨半稅改完釐金一節似可無庸置議  
至若洋貨稅釐併徵名為加稅實則免釐利害正復相等亦  
屬未敢輕議惟進出口貨物按時價核估外國菸酒等物仍  
照章納稅竊以為利多而害少或有利而無害似可照盛宣  
懷條陳事宜原奏一併妥議籌辦臣等正在會商間於三月  
初一日由軍機處交出御史許祐身奏加稅免釐有關大計  
未可輕議更張一摺又於三月十一日交出軍機章京鮑心

增呈請代奏加稅事宜行止俱關大計臚陳利弊一摺均奉  
諭旨著總理各國事務衙門王大臣戶部歸入盛宣懷等前奏妥  
議具奏欽此查御史許祐身原奏謂洋貨免釐則土貨偷漏益  
多用一洋員薪水較局員億莖章京鮑心增謂專按時價核  
估補稅菸酒等物無論所增多寡要為收回之利各等語立  
論均不為無見方今籌餉艱難常年進款果加增千百萬時  
局庶大有轉機然必須確有把握方敢奏請施行不得以懸  
擬之詞姑為嘗試此事關係甚大凡屬臣工有兼管交涉及  
理財之責者均宜究其利害權其輕重以期折衷定議應請  
旨飭下南北洋大臣兩廣兩湖四川閩浙各總督江蘇安徽江西

浙江山東各巡撫查照盛宣懷等原奏清單及臣等議覆各節參以本省實在情形按之中外現在時勢如何可有利而無害如何可利重而害輕勿持兩端勿執成見總須妥議辦法於文到一月內迅速覆奏一俟各省覆奏到日再由臣等從長計議切實奏明辦理所有會議緣由理合恭摺具陳伏乞

皇太后

皇上聖鑒再此摺係戶部主稿會同總理各國事務衙門辦理合併聲明謹

奏

戶部等會議加稅事宜片

光緒二十六年

再咸豐十年條約第二十七款內載此次新定稅則並通商各款日後彼此兩國再欲重修以十年為限期滿須於六箇月之前先行知照酌量更改若彼此未曾聲明更改則稅課仍照前章完納復俟十年再行更改等語本年九月間又屆十年限滿修改稅則之期現據大理寺少卿盛宣懷等具奏籌議增稅事宜業經臣等於會奏摺內臚陳利害通行各省一體切實妥議俟覆奏到日再行核辦惟事關重修稅則須於六箇月以前先行知照酌量更改未便稍有稽遲該京卿條陳籌餉前奏原請將進出口貨物照時價另行核估又擬

將外國菸酒藥料器皿等物分別籌議辦理並未牽涉內地釐金尚屬扼要辦法應請

旨飭下盛宣懷聶緝渠會同赫德先就貨物時價另行核估及菸酒等物分別納稅兩端照會各國公使先行開議以期無誤事機仍令將開議以後一切詳細情形隨時咨呈總理各國事務衙門認真總核再行斟酌定議是否有當理合附片陳明伏乞

聖鑒謹

奏

總署咨哆囉呢加稅日後復出口應照算分別發給免照存



票文

同治十二年

為咨行事同治十一年十二月二十五日據總稅務司申稱  
九月初八日鈞札內開八月二十三日准署南洋大臣咨據  
江南海關道稟稱案據新關稅務司秋妥瑪來函以進口稅  
則哆囉呢一款註明寬五十一因制至六十四因制每丈稅  
銀一錢二分茲有德全旗昌等行進口俄呢計寬至七十二  
因制仿照原布過於稅則所載核加稅數該商未服其應如  
何徵稅函請核示當查稅司核加稅數其法甚善應即按照  
辦理嗣據德國領事官函請給還多徵稅銀又經照案駁復  
現在德全廣豐加增之稅雖完終未允服據情咨呈查核前

來查哆囉呢花布兩項既與稅則因制不符秋稅司加增稅銀辦理甚屬公允查從前咸豐十一年法國哥大臣士耆曾以印花布惟英美兩國較為寬長請中國加稅當經改為每疋共納稅銀一錢二分並照此次所議寬長永為定式等因照辦十餘年均無異議此次德全廣豐哆囉呢一項既是因制與稅則有增自宜比照法國所定印花布稅數加稅一律辦理札行總稅務司查復等因查哆囉呢進口每疋計寬五十一至六十四因制自應按照稅則明文每丈完納稅銀一錢二分若寬過六十四因制即應按照多出寬長若干折增丈數徵收稅銀惟日後倘有復出口之事該關應照此核算

分別發給免照存票等件庶不致於轉轄矣合行備文申請查照施行前來除咨復南洋大臣查照並飭復總稅務司轉飭各關稅務司遵照外相應咨行

貴大臣轉飭各口一律查照辦理可也須至咨者

右咨北洋

外務部咨莫非鴉合同在新約未定以前准於六箇月內值

百抽五文

光緒二十八年

為咨行事光緒二十八年十月初一日據總稅務司申稱新定稅則莫非鴉每兩徵稅三兩現據美德等國領事稱廣東上海等商多有已立合同應交莫非鴉若干係在未定商約

以前未便抽收重稅並經領銜大臣面向總稅司言及此事  
查已立合同之貨亦有區別有係立合同後應交莫非鴉若  
干者有係立合同後於某月日限內交莫非鴉若干者未便  
含混擬以從前實立有合同者限三日內赴關呈明掛號准  
自新則畫定之日起給限六箇月交清統照舊則值百抽五  
逾限未交者即應每兩徵銀三兩其限內不能運到者設法  
將合同註銷請鑒核示復等因應准照所擬辦理除電飭粵  
滬等關照辦暨照會美領銜大臣並劉復赫總稅務司外相  
應咨行

貴大臣查照轉飭遵照可也須至咨者

右咨南洋廣東

約章成案匯覽乙篇卷十七目錄

成案

通商門 洋藥類

出使俄英大臣曾遵 旨議煙臺續增專條及先後辦理情形

摺 光緒十一年

外務部劄閱海關每月提藥釐二萬解滬文 光緒二十八年

約章成案匯覽乙篇卷十七

成案

通商門

洋藥類

出使俄英大臣曾遵 旨議煙臺續增專條及先後辦理情

形摺

光緒十一年

奏為煙臺條約中洋藥稅釐併徵一節遵

旨與英國外部議定續增專條謹將畫押蓋印日期及先後辦理  
情形恭摺密陳仰祈

聖鑒事竊臣於光緒九年三月初十日承准總理各國事務衙門  
咨開奏請

特派出使大臣與英外部商辦洋藥事宜一摺奉

旨另有旨欽此恭錄

諭旨鈔錄原奏咨行欽遵同日承准軍機大臣字寄光緒九年三月十二日奉

上諭總理各國事務衙門奏請飭出使大臣商辦洋藥稅釐事宜一摺洋藥稅釐併徵載在煙臺條約延擱數年迄未開辦迭經該衙門與英使威妥瑪商議總以咨報本國為詞藉作延宕地步該使現已回國著特派曾紀澤辦理洋藥稅釐併徵事務該大臣洞達事體向能力持大局務將此事查照該衙門節次電函與英外部妥為商辦期在必成如李鴻章前議一百一十兩



之數併在進口時輸納即可就此定議仍著該大臣酌度情形力與辯論其應如何酌定防弊章程設立稽徵總口之處均由該大臣與英外部商定後報明該衙門咨行南北洋大臣詳議核辦洋藥流毒多年自應設法禁止英國現有禁煙善會願以洋藥害人為恥該大臣如能乘機利導聯絡會紳與英外部酌議洋藥進口分年遞減專條期於逐漸設法禁止尤屬正本清源之至計并著酌量籌辦將此諭令知之欽此遵

旨寄信前來仰見我

皇太后

皇上軫念惻痾維持習俗既思裕課通商之計仍以振民育德為

心跪讀之餘莫名欽感先是臣於光緒八年秋間接准總理衙門七月初三日函稱洋藥加稅一事屢與威使商酌迄未就緒嗣因北洋大臣李鴻章議於正稅之外加徵八十兩統計釐稅一百一十兩威使加至百兩之語并據照會已咨本國倘外部詢及即望與其酌議自仍抱定一百一十兩一層辦理如能就範自屬最妙倘彼堅執不稍轉移或我示以大方即照威使百兩之議辦理此事即可定局嗣准該衙門光緒九年四月初五日函稱威使原允百金如不能議加中國亦祇可俯從內地免釐自應切實擔承酌議辦法拆包零賣即未便另收稅項土煙釐金亦須酌加決無偏抑洋藥之理

惟土煙成本既輕難與洋藥一律且此層亦關係中國自主  
即各國科稅往往重於客而輕於土勢不能以柄受人措詞  
應留地位等因伏查洋藥稅釐併徵一案曾經前任駐英出  
使大臣郭嵩燾與前任英國外部尚書侯爵沙力斯伯里面  
商擬收每箱釐金銀六十兩合正稅共銀九十兩沙力斯伯  
里堅執不允又經原任直隸總督張樹聲與英商沙苗商議  
承攬之法合計正稅釐金共一百兩經總署王大臣議駁并  
於覆奏摺內聲明將來英國如果自願設立總商承辦屆時  
應如何議定稅釐併徵確數再行奏明辦理等因其時英廷  
既不以沙苗承攬為然亦不允照沙苗所擬章程中百兩之

數沙苗一案遂亦作為罷論臣思大學士左宗棠奏請洋藥稅釐併徵一百五十兩之議原非專為稅釐起見實欲藉提洋藥價值使民間吸食漸少其後數處商議陸續跌至百二十兩百一十兩一百兩九十兩紛紛不一及臣遵

旨與英國前任外部尚書伯爵葛蘭斐爾暨侍郎龐斯菲德克蕾等商論之時或具分條節略或與逐條面談該外部援引前說力爭數目久而未定禁煙會紳屢發莊論責以大義外部始允加至一百零五兩臣恪遵

諭旨仍未敢遽行鬆口最後乃爭得一百一十兩之數本年二月准該外部允照一百一十兩之議開具節略咨送前來并據

照會聲明專條既定如中國不能令有約各國一體遵照英國即有立廢專條之權等因外部始欲將此意載入專條經臣爭之再四乃改辦照會查總理衙門光緒九年四月初五日來函即稱如議定併徵稅釐章程不患各國不允臣愚蒙之見亦以為英國約章既定之後在我儘可將各國未向海口照章納釐之洋藥准其進口而加重內地釐金務使各國不能不遵英約本非甚難之事然各國不遵英即廢約之語如徑載入約內誠恐各國串通挾制抑或藉此市惠希圖別項利益臣所以力爭不肯載入約中也臣細查所送之節略即係商定之約稿其首段限制約束之語先經屢次爭論乃得

寫入專條緣逐年遞減之說印度部尚書堅執不允據印度  
部侍郎配德爾密告臣處參贊官馬格里云照專條辦法印  
度每年已減收稅課英金七十餘萬鎊中國欲陸續禁減洋  
藥入口惟有將來陸續議加税金以減吸食之人而不能與  
英廷豫商遞減之法蓋印度種煙之地未盡隸屬於英英廷  
雖允遞減亦無權力見諸施行等語臣知英吉利係君權有  
限之國該侍郎所稱無權力見諸施行者係屬實情遂未堅  
執固爭而請外部於專條首段加入於行銷洋藥之事須有  
限制約束之意一語以聲明此次議約加稅之愾而暗伏將  
來修約議加之根至如何酌定防弊章程設立稽徵總口之

處查煙臺條約第三端第五節原有由英國選派領事官一員由中國選派平等官一員由香港選派英官一員會同查明核議定章總期於中國課餉有益等因臣於此次所訂專條第九款又復聲明前說將來派員商定自不難妥立章程嚴防偷漏其餘各條核與疊准總理衙門函電囑辦之意情形相同比即摘要電請核議代奏旋於五月初二日承准該衙門覆電洋藥事即照議畫押遵

旨電達等因維時適當英外部尚書伯爵葛蘭斐爾退位前外部尚書侯爵沙力斯伯里推為英國首相仍兼外部尚書之任該尚書即係堅拒前出使大臣郭嵩燾稅釐九十兩之議者

臣恐事有中變屢次催請訂期畫押該外部忽稱印度部因內閣學士周德潤奏參鳳陽關違例收稅一摺索臣文據擔保此次所訂專條不致為官吏所壞卒致不行等語臣復向外部分辯說最後具牘聲明條約既定不至有例外之勒索照覆去訖始准該外部六月初三日來文定期初七日畫押臣屆期帶同英文參贊官馬格里法文繙譯官慶常前往外部與沙力斯伯里將續增條約專條漢文英文各二分校對清楚互相畫押蓋印此先後辦理茲案之大略情形也伏念臣以菲材膺茲重任深懼措施失當上負

天恩茲幸英外部克如所議按此次所訂條約除第二條稅釐併



徵數目恪遵

諭旨議得百一十兩外又於第五條議得洋藥於內地拆包零賣  
仍可抽釐是內地并未全免稅捐將來若於土煙加重稅釐  
以期禁減則洋藥亦可相較均算另加稅釐至總理衙門函  
稱土煙加稅措詞應留地位一層臣於專條中並未提及土  
煙加稅之說以保我中國自主之權凡此皆仰蒙

聖訓指授機宜許臣以酌度情形妥為商辦加以總理衙門王大  
臣平心體察函電周詳俾臣有所遵守是以英國廷臣雖經  
疊次更易終得就我範圍也除將此次繕寫煙臺條約正本  
暨臣與英國外部議定續增專條漢英文各一分飭派隨員

候選知府李炳琳齋呈總理衙門覆核具奏恭候

聖裁并將臣與英國外部畫押蓋印之續增專條咨呈總理衙門  
外所有 微臣遵

旨與英國外部議定煙臺條約之續增專條畫押蓋印日期及辦  
理緣由理合恭摺密陳伏乞

皇太后

皇上聖鑒訓示謹

奏

外務部劄開海關每月提藥釐二萬解滬文  
光緒二十八年  
為劄行事光緒二十八年正月二十五日准

戶部咨稱所有速議閩浙總督奏閩省舊有藥釐奏撥賠款由稅司徑行提解一摺光緒二十八年正月十八日具奏奉旨依議欽此原奏內稱閩浙總督擬將閩海關應解閩省藥釐每月提出銀二萬兩奏撥賠款自可照擬辦理應請

旨飭下福州將軍即將閩海關福廈二口歲征洋藥釐金在於應解閩省稅釐局銀二十九萬內從本年正月月起每月提二萬兩按期匯解江海關以備湊還賠款並知照外務部傳飭總稅務司行知閩海關稅司查照遵辦至前項藥釐除一年提解銀二十四萬外尚餘銀五萬兩仍應由閩海關照案解交閩省稅釐局兌收等因相應劄行總稅務司查照即轉飭閩

海關稅司遵照辦理可也須至劄者

右劄總稅務司